

והטיפו ההרים עסיס וכל-הנבעות  
 תתמוגגנה: ושבת את-שבות עמי  
 ישראל ובנו ערים נשמורת וישבו  
 ונטעו כרמים ושתו את-ינם ועשו  
 גנות ואכלו את-פריהם: ונטעתים  
 על-אדמתם ולא ינתשו עוד מעל  
 אדמתם אשר נתתי להם אמר  
 יהוה אלהיך:

## הפטרת קדושים

יחזקאל כ"ב

The Men's Club of Temple Torah · Boynton Beach, FL

ויהי דבר-יהוה אלי לאמר:  
 ואתה בן-אדם התשפט התשפט  
 את-עיר הדמים והודעתה את כל-  
 תועבותיה: ואמרת כה אמר אדני  
 יהוה עיר שפכת דם בתוכה לבוא  
 עתה ועשתה גלולים עליה לטמאה:  
 בדמך אשר-שפכת אשמת ובגלולך  
 אשר-עשית טמאת ותקריבי מזבח  
 ותבוא עד-שנותך על-כן נרתתך  
 חרפה לגוים וקלסה לכל-הארצות:  
 הקרבות והרחקות ממך יתקלסו-  
 בך טמאת השם רבת המהומה:  
 הנה נשיאי ישראל איש לזרעו היו  
 בך למען שפך-דם: אב ואם הקלו  
 בך לגר עשו בעשק בתוכך יתום  
 ואלמנה הונו בך: קדשי בזית ואת-  
 שבתתי חללת: אנשי רכיל היו בך  
 למען שפך-דם ואל-ההרים אכלו  
 בך זמה עשו בתוכך: ערורת-אב  
 גלה-בך טמאת רגזיה ענו-בך:  
 ואיש | את-אשת רעהו עשה תועבה  
 ואיש את-כלתו טמא בזמה ואיש

אשר דבר ברדת המלך אליו: ויהי  
 כדבר איש האלהים אל-המלך  
 לאמר סאתים שערים בשקל וסאה  
 סלת בשקל יהיה כעת מחר בשער  
 שמרון: ויען השליש ארת-איש  
 האלהים ויאמר והנה יהוה עשה  
 ארבות בשמים היהיה כדבר הזה  
 ויאמר הנך ראה בעיניך ומשם לא  
 תאכל: ויהי-לו כן וירמסו ארנו  
 העם בשער וימת:

## הפטרת אחרי מות

עמוס ט

Bnai Jeshurun Men's Club, Cleveland, OH

הלוא כבני כש"ים אתם לי בני  
 ישראל נאם-יהוה הלוא את-ישראל  
 העליתי מארץ מצרים ופלשתיים  
 מכפתור וארם מקיר: הנה עיני |  
 אדני יהוה בממלכה החטאה  
 והשמדתי אתה מעל פני האדמה  
 אפס כי לא השמיד אשמיד את-  
 בית יעקב נאם-יהוה: כי-הנה אנכי  
 מצוה והנעותי בכל-הגוים את-בית  
 ישראל כאשר יזע בכברה ולא-יפול  
 צרור ארץ: בחרב ימותו כל חטאי  
 עמי האמרים לא-תגיש ותקדוים  
 בעדני הרעה: ביום ההוא אקים את-  
 סכת דויד הנפלת וגדרתי ארת-  
 פרציהן והרסתיו אקים ובניתיה  
 כימי עולם: למען ירשו את-שארית  
 אדום וכל-הגוים אשר-נקרא שמי  
 עליהם נאם-יהוה עשה זאת: הנה  
 ימים באים נאם-יהוה ונגש חורש  
 בקצר ודרך ענבים במשך הזרע